

誠意伯劉先生文集續編卷之九

詩

寄李子庚之金陵

帶郭軒窗面面開，
八窗涼爽最宜人。
風生密葉蛟龍舞，
露下寒花翡翠勻。
不待詩成調律呂，
若為惆悵憶伶倫。
五城曾聞座隅且，
傍林齋寄此身。

送李子庚之金陵

舍下微波湧碧鱗，
湖邊草色可憐人。
也知使者徵書急，
莫厭輕舟出郭頻。
春酒盈缸清似水，
時魚帶子白於銀。
山桃野杏能紅紫，
醉眼相看意自真。

欣懷亭二首為脫因宗道賦

欣懷亭子湖山上山色湖光八面開恰似崑陵積石圃
湧出玉母閭風臺驟龍夜靜擊珠上神女天寒委佩來
何日扁舟一繫纜高躋絕頂望蓬萊

愛子山亭湖水中雜花脩竹合蒙龍三春錦繡花迎日
十里笙簫竹度風菰飯炊來勝雪白鯉魚釣得出波紅
浮生無事當為樂應許閑人一醉同

送趙元舉之奉化州學正

東風吹雪作春波送客中流發棹歌酒至莫辭狼籍醉
情深無柰別離何天童山杳嵐光暝佛手江長海氣多
泮水紫芹香可攬倚看衿佩樂菁莪

次韻進和音上人

絕頂浮雲瑣石關曲途危磴阻躋攀他年甲楯孤臣泣
此日齋鐘老衲閑夜永星河低半樹天清猿鶴響空山
干戈未定歸無處擬結茅廬積翠間

題王起宗御史江山烟靄圖

繡衣御史乘駝暇貌得江山烟靄圖日落風雲連紫極
天寒波浪隔蒼梧魚龍縱壑深無底猿鳥歸巢腹不呼
羈旅傷心緣百感可堪回首憶吾廬

二月二日登樓作

薄寒疎雨集春愁極難禁獨上樓何處山中堪採藥
幾時湖上好乘舟銜泥客燕聊相傍泛水浮萍可自由
見說蘭亭依舊在子今王謝少風流

次韻和王文明絕句漫興十八首

芙蓉湖上夕陽低，楊柳枝頭一鳥棲。
獨倚闌干看山色，白雲飛過若耶溪。

年華如水去堂堂，何處無愁不斷腸。
天上群僊風雨外，人間明月夜淒涼。

解印淵明柳映門，床頭酒盡卧空尊。
憇風吹破羲皇夢，閑看山雲起石根。

竹根草葉垂青綠，石上苔花點翠紅。
坐到傅山香爇歇，不知新月出微風。

眼見繁花開滿林，即看嫩葉綠成陰。
杜鵑啼落西山月，一夜相思萬里心。

澹澹輕風冷透衣，冥冥細雨客思歸。
若為化得遼東鶴，遠逐浮雲汗漫飛。

天邊雲氣來須女，湖上輕雷起少男。
一陣微涼疎雨過，滿池蓮蕊綠如簪。

風翻竹籜空林響，雨綻蛛絲落蕊懸。
長日掩關無客到，一眉山色對嬋娟。

江北江南幾驛亭，可憐彊半草青青。
夜涼月白西湖水，坐看三台上將星。

舊游何處渺煙蘿，幾度相思夢玉珂。
莫向天涯苦回首，野猿木客恣經過。

東海鯨鯢倒百川，西江波浪阻征舡。
誰能散髮空山裏，

學取希夷石上眠

夢裏分明到廣寒
夢回月落斗闌干
碧桃吹盡無人覺
滿袖西風涕泗漣

曉晴何處一黃鸝
飛上花梢欲啼
獨坐小窗歌伐木
偶然懷古憶祈真

釣得槎頭縮頸魚
隔牆有酒買錢沽
近來酒價如珠玉
獨飲千錢不要扶

樓頭新月闌弓彎
樓外青山對客閑
深夜忽然思往事
無箇閒鴛鴦雲間

一自江州作戰場
城池無處不金湯
轅門須識黃公略
莫道功名在戰場

草廬不在達官車
長日惟消滿架書
睡足北牕清似水
數聲殘角起城烏

故鄉蛇豕滿荆異
域風塵嘆此生
至竟迂狂成濩落
可憐天地一浮萍

發紹興至蕭山

落日牛羊下綠坡
微風短檝拂晴莎
窮愁白髮真相得
悲感青春最苦多
水暖菰蒲沙鷁集
月明洲渚傍人歌
此時忽漫思身世
柰爾桃花滿眼何

宿蠟燭菴後上人房

城外春江動客愁
江邊細草綠悠悠
還將短髮臨岐路
畏向東風憶舊游
斜日遠天歸鴈急
薄寒孤館落花稠

青燈不放還鄉夢一夜腸回一萬周

二月七日夜泊許州

漫喜晴天出北門還愁
野樹翻雲動石根宿麥
魚龍浩漫滄溟闊澤畔
誰招楚客魂

嘉興寄王昌言學正

去年相別鴈來初今日
登高作賦近何如黃華
欲棹扁舟尋逸少為愁
妨寫換鵝書

感懷二首

新晴楊柳散春絲長路
行人有所思愁上容顏
青鏡識

寒生萬木花知高雲送
雨來無定獨鳥驚風去
自遲

悶對亭前紫荊樹那得
却相離

不到西州又十年青山
白水獨依然徒聞雞狗
供輪盡

無那干戈迤迤延天上
九霄空玉燭人間萬井
共貪泉

草中埋取雲中送坐待
連茹紫闥邊

寄臺郎張質夫

春愁忽得故人書喜極
成悲淚滿裾異野鴛駘
魯門鐘鼓駭鷄鷄全家
蕩折飢寒切病骨支離
志慮踈敢以浮名誤知
已絳辭寓意愧何如

水西寺東樓曉起聞鶯

日上高城柳影齊風軒
臨水看鶯啼初來木杪
鳴相應

稍入花間聽却迷芳草自深句踐國行人猶隔禦兒溪
思家每恨無輕翼可對鸞華不慚悽

茶園別朱伯言郭公葵

吹烟送客舟離情恰似水東流此時對酒難為樂
一展尋春可縱游去雨來雲天渺渺輕蜂亂蝶日悠悠
絕憐短髮無聊賴一夜如絲白滿頭

二月二十三日自黃岡還杭途中作

日照江邊春樹林繁花亂葉感人心花間蛺蝶漫多事
兼底杜鵑非好音舉目山川成皓首側身天地一沾襟
解憂惟有酒中酒疾病年來已厭斟

海寧州舟中作

春霧今宵氣稍清空江一舸客心驚東流濁浪衝山動
西望長庚似月明不有龔黃為郡縣徒令耒耜化戈兵
溥天何處非王土無地安身愧此生

憂懷

群盜從橫半九州干戈滿目幾時休官曹各有營身計
將帥何曾為國謀猛虜封狼安荐食農夫田父困誅求
抑強扶弱須天討可恠無人借策籌

春興七首

柳暖花融草滿汀日酣烟淡麥青青枝間好鳥鳴求友
水底寒魚陟負萍異縣光陰空荏苒故鄉蛇豕尚羶腥
感時對景情何極悼往悲來摠涕零

忽聽屋角聞晨鳩起看園林綠漸稠小雨霏々涵日過
新泉細々入河流殘花斷柳虛歸計遠水他山聚客愁
鴻鴈南飛限蒼領傷心何處問松楸

於越山城控海壖春風回首忽經年憂時望月青宵迥
懷土登樓白髮鮮江上波濤來渺々雲中鴻鵠去翩翩
暮寒細雨餘花落夢遶天涯到日邊

會稽南鎮夏王封蔽日騰空紫翠重陰洞烟霞輝草木
古祠風雨出蛟龍玄夷此日歸何處玉簡他年豈再逢
安得普天休戰伐不令竹箭困輸供

卧龍山奠越王都群水南來入鏡湖苦惟桑田非舊跡
不驚雉堞是新圖白波翠靄浮天際綠樹青莎到海隅
便欲投身歸釣艇不知何處有尊鱸

深春綺雨感年芳暮館輕寒透客裳翠柳條柔先改色
紫蘭花冷不飄香山中帝豹人烟少海上樓臺蜃氣長
燕子新來畏沾濕一雙相對立空梁

憶昔江南未起兵吳山越水共知名蘋萍日暖遊魚出
桃李風和乳鴈鳴紫陌塵埃嘶步景畫船歌管列傾城
于今征戍誅求盡翻對鸞花百感生

雨中遣懷

青春苦寒雨太多野水極目似秋波湖上芳草生已遍
山中美人愁奈何思家無計避荆棘地只恐觸蛟鼉
落花零亂晚風起坐看城頭烏尾訛

送岳季堅入計筭詩山

陽羨先生故將孫拂衣高蹈入玄門
薶盈五粒松花酒食有千年枸杞根
自得詩篇留客誦頻來猿鳥識人言
浮雲富貴非吾意此意陶公可與論

為賈性之題山水圖

不見唐朝王右丞世間畫吏少知名
何人貌得烟雨意靜聽如聞風水聲
遠岫帶雲纒隱約斜陽照樹却分明
清泉素石堪乘興欲買扁舟過此生

題雪竹圖

雪壓江邊脩竹林沅湘晚色起愁陰
川光蕩漾空清闊山氣玲瓏太白深
未得稍雲邀鳳宿可能映水學龍吟

無人谷裏吹春律直節虛中恐不禁

題脩竹圖

九疑山下湘江畔多少簟簕覆碧端
自有清陰堪解愠也能結實待棲鸞
濛濛暖翠晨烟合顆顆明珠夕露溥
長日焚香對圖畫青冥風雨共凄寒

題畫蒲萄卷子

西域蒲萄也自奇畫圖驚見墨淋漓
迎風翠羽愔愔動帶露玄珠纂纂垂
此日散愁思釀酒幾回病渴想如飴
春態隱几成幽夢應共張騫到郅支

蕭山山行

積雨今朝天氣佳山亭曉色上林花
未湏汗漫思身世

且可逍遙翫物華，偶直斷橋妨去路。却隨脩竹到隣家，
籬邊野鴨驚人過。撥刺飛鳴落遠沙。

題明皇幸蜀圖

斜陽慘淡照霓旌，石棧縈紆僕馬羸。想得林間子規鳥，
斷崖青壁亦相隨。

裂帛聲中發禍機，白華歌斷草菲菲。可憐蜀道三軍恨，
不記他年武惠妃。

題柯敬仲墨竹

蒼龍倒掛不入地，回首却攀雲上天。夜深雲散明月出，
化作脩篁舞翠烟。

蕭山任氏山堂

新堂結構倚巖阿，地僻無譁樂事多。日上黃鸝鳴翠竹，
雨餘紅鯉躍清波。消除暑氣憑松柏，舒卷煙嵐任薜蘿。
珍重主人能愛客，衰顏聊復為君酤。

以紈扇贈奎上人并寄以詩

新裁紈扇如圓月，寄與靈峰奎上人。不共青蒲爭巧拙，
好將白氎伴清新。薰心炎暑誰能敵，應手涼風自有神。
莫怨秋來葺篋笥，明年朱夏更相親。

靈峰寺棲雲樓

靈峰之中樓倚山，山雲日夕棲其間。九霄兩露隨高下，
六月風雷送往還。青嶂曙光浮藻稅，銀河夜氣濕松關。
天台向上無多路，鷲嶺烟霞此可攀。

題瑞上人山水圖

上人性僻耽山水應是王維第二身
蘭渚流觴新到越藍田別業舊通秦
驅馳翰墨迴龍帟簸弄風雷感鬼神
羈旅相逢聊自慰莫思天地有烟塵

普濟寺遣懷

江上西風一葉黃
莎雞絡緯滿叢篁
物華乘興看都好
時序逢愁速不妨
露下星河光潑灑
月明巖谷氣清涼
願聞四海銷兵甲
早種梧桐待鳳凰

崇福寺倚上人看山樓

為愛山中世事疎
看山終日坐茅廬
林花澗草香無際
翠壁丹崖錦不如
禹穴風雷翻石鷄
耶溪波浪動金魚

此特應寤幽棲樂底用凌雲獻子虛

宗上人溪山亭

湖上清溪溪上山
山亭結構俯人寰
窓中樹色宜晴雨
門外灘聲自往還
鍊藥井寒玄鶴逝
采蓮舟去碧波閑
春蘭秋桂年年好
憔悴風塵漫厚顏

題水墨蓼花草蟲

為有江頭紅蓼花
秋來獨作草蟲家
尋香粉蝶應隨夢
采蜜黃蜂不趁衙
絡緯語殘涼露滴
蜻蜒立困晚風斜
畫圖水墨驚初見
却似扁舟過赤沙

題山水圖為寶林衍上人作

雨過秋山日欲曛
白雲如雪擁山根
高松灑露和烟冷

送水穿沙出谷渾擬向蘿陰緣石徑却尋花片入桃源
畫圖應有通神處他日相從子細論

次韻和新羅嚴上人秋日見寄二首

露冷風清木葉踈蓼花莎草沒階除子雲詞賦空接閣
仲蔚蓬蒿漫索居群盜只今齊得意故鄉從此遂無書
鏡中短髮非松柏歲晚看看不似初

愛汝精藍抱翠微青松綠竹共依依龜臺落日明霞綺
鰻井寒潮長石衣銀杏子成邊鴈到木犀花發野鷺飛
鐘殘永夜禪心定一任秋蟲促杼機

重用韻答嚴上人

坐見風霜百草踈却憐光景漸消除萍蓬飄蕩三年客

松菊荒涼五畝居陋巷蒼苔封蟻垤空庭黃葉帶蟲書
江楓恰似知人意強學芳菲二月初
江水東流西日微閑身不繫獨何依塵埃爽颯枯蓬鬢
霜露淒涼破衲衣百粵雨餘山翠合三韓雲淨海青飛
滄溟自古通天漢帝統黃姑織女機

再用韻答嚴衍二上人

厚祿故人音問踈天官不擬介推除莫思浮世塵埃事
好共深山木石居月滿高樓留客話燈明寒榻課兒書
城頭鼓角沉沉夜腸斷鄉關入夢初

蔓草萋迷野色微嗷嗷鳴鴈欲誰依殘花露淡胭脂靨
落木霜凋薜荔衣萬國舊聞車軌一九州今見劫塵飛

菟戎安得英雄將不放龍蛇起殺機

復用韻答嚴上人

閉門無事往來疎窓外從他草不除食肉已忘三月味
謀身欲去九夷居人情自古懷鄉土天下何時罷羽書
莫向西風苦惆悵白雲流水足如初

西風吹樹夕陽微斥鷃鷓鴣各有依幕府三年雙短鬢
鄉關千里一沾衣江淮渺渺人烟少梁楚茫茫鬼燐飛
誅暴保民黃石略將軍莫自失戎機

仍用韻酬衍上人

多愁祇覺世情疎愁極憑誰與破除江海烟塵羈客淚
雲山飛棹別人居高風斷雁惟將恨衰草殘螢不照書

世亂弓刀方有用休誇新句逼黃初

歲莫天寒生意微空林鳥雀自相依有情霜葉欺花貌
無用風荷象客衣西塞鼓鞞山岳震東郊羽檄海波飛
傳聞有詔頒南服早晚陽和幹化機

又用前韻

樹頭寒月影扶疎天上清霜下玉除紫塞風高鴻失路
碧梧枝冷鵲移居虎頭曠日麋倉粟牛腹中霄詫帛書
見說抱關堪避世裨官猶可學虞初

西風吹面雨霏微片片浮雲水上依鴻鴈群翔管口實
裊鷺對立惜毛衣關河慘烈時將晚原野蕭條葉自飛
慚愧江湖一萍梗厭聽呶軋響隣機

題寒林圖

搖落江邊秋樹林淒涼久客二毛侵藤蘿歲晚龍蛇死
糞薄天寒虎豹深流水斜陽人遠近青烟白草鴈飛沉
桂花自在山中發悵望西風起夕陰

題訪隱圖

忽憶山中陶隱居杖藜衝曉謁茅廬林花浥露紅無比
澗草含烟綠有餘金鼎丹光經日月銀河流水到苔除
松間白鶴通人語長向瑤臺寄遠書

題風中水仙花圖

癡妬封家十八姨不爭好惡故相欺沅湘日暮波濤起
翠蕩瑤翻欲渡遲

題小景

江頭日日起西風江樹蒼蒼葉變紅天濛濛低倚鴈
一行飛下菰花中

題梅花小禽圖

三鳥翩翩海上來一雙飛去入瑤臺可憐銀羽空山裏
獨立寒枝怨野梅

題湖山烟雨圖

湖上青山烟雨寒湖中一棹欲歸難白蘋自老東風裏
腸斷黃昏獨倚闌

若耶溪上雨聲來秦望山前霧不開欲渡鏡湖尋禹穴
蒼藤翠木斷猿哀

宿賈性之市隱

今年冬雨不作雪屋頭鳥聲渾似春絕憐草色綠鋪地
可愛梅花白照人時物已迎新歲換交情空向異鄉親
忽思昨夜殘燈裏錯認還家夢是真

題陸放翁湖上詩後

放浪江湖一老翁若耶溪上幾春風門前流水斜還直
籬外閒花白復紅甚欲賦詩追杜子也能縱酒學陶公
細看墨蹟成懷古歎息他鄉一斷蓬

次韻和孟伯真感興四首

五載江淮百戰場乾坤舉目總堪傷已聞盜賊多於蟻
無奈官軍暴似狼綠水青山人寂寂長烟蔓草日荒々

弟兄零落音書絕腸斷春風一鴈行

無用文章豈療飢勞生筋骨已支離窮愁杜甫家何在
落魄陳平計未奇草澤狐狸三窟固江湖波浪一帆危
故園春色年年到綠葉紅花好為誰

平時盜賊起成雲厚祿能忘愧庶民樽俎自高廊廟榮
經綸不用草茅人思家遠道風塵惡爭食空山馬豹嗔
莫怪洛陽年少客持書痛哭向楓宸

多事繁花白映紅無愁細草綠浮空春秋迭代人先老
天地生成意不窮鳳鳥長辭西嶺樹鯨魚自起北溟風
幾時學得玄真子若立蓑衣一短篷

次韻張德平見寄

漠漠長烟野色昏
霏霏細雨濕衡門
乾坤象緯尋常轉
江海波濤日夜翻
賈誼奏書哀自哭
屈原心事苦誰論
近逢使者徵遺逸
說道巖廊納讜言

題承天觀

吳山頂上承天觀
玉牒金符鎮地靈
百尺樓臺依斗極
九霄風露出牕櫺
江聲洶湧蛟龍鬪
雲氣虛無翡翠屏
見說蓬萊恰相對
仙凡只在隔滄溟

感興三首

病骨愁寒憶見春
及觀春色却愁人
轉添細草當門徑
不惜穠華委路塵
去國杜鵑紅淚盡
傷時庾信白頭新
風波滿地鸕鷀鳥
相趁鱖魚飽一身

二月江南雪片飛
吳山寒色動征衣
莫尋花徑防泥滑
且掩衡門待日晞
弱柳先舒應自損
蟄蟲已出更安歸
乾坤虜旌旗滿
肉食何人問采薇

春院微風栢葉垂
朝寒坐看雀爭枝
娟娟墜雨拋蒼蘚
點點輕花赴綠池
景物閑情悲自老
江山滿目惜時危
長生應有真仙訣
漫把黃金駐黑鬚

有感

浪動江淮戰血紅
羽書應不達宸聰
紫薇門下逢宣使
新向湖州召畫工

感歎

聞說蘇州破倉皇
問故人死生俱可悼
吾道一何屯北

去應無路南藩自此負淒涼轉蓬客淚盡浙江濱

題畫魚二首

為愛濠梁樂有餘故拈兔穎寫成圖秋風忽憶銀絲鱸
腸斷松江隔具區

九罟無人詠鱒魴河墳有客數耕羊不知生意能多少
爭得鯢鮪滿尺長

可歎

風雨瀟瀟聽曉雞忽思世事一悲悽當時重禁箴矛戟
今日呼令學鼓鞀未見爭鋒曾奏捷徒聞却走不先迷
劫灰日夜飛相逐隨處空林有燕棲

柯橋靈秘寺即景貽基上人

日陰陰風墜花樓前溝水發芹芽青春院宇僧房好
白晝豺狼客路賒對坐蝦鬚迴舞燕出門鳩尾立飢鴉
相期握手何時再五月芙蓉隘若耶

次韻和石末元帥見贈二首

雨過前溪曉色新山城草木靜埃塵殊方負固猶蝸角
此地偷安賴帝巨高閣銀蟬相對晚畫闌紅藥不勝春
誰憐衰病兼疲拙漂泊江天西一旅人

元戎玉帳擁旌麾武邑文韜並出奇構厦可堪無大匠
安邦曾見活危基此將山斗歸民望他日龍懸簡席思
我輩迂狂乖世務趨風執御更何疑

雨中寄季山甫二首

山雨隨風去復來南明晚色動樓臺猶憐仗策一師在
不見乘槎使者迴感興詩成聊自遣忘憂花好為誰開
偏嫌近水多螻蝻永夜喧呼聒夢面

長夜雨多泥沒車白日聞人跡疎階下水衣看上壁
庭前簷溜欲成渠閑花自發無勞種蔓草後生不遣鋤
想見幽棲張仲蔚蓬蒿如樹塞園廬

陳此一作石室豫為塋地求詩作此贈之

仙都道士陳此一偷得蟾宮龍虎丹便開白石為金穴
坐待青天落玉棺馭氣九秋風引佩步虓五夜月當壇
他年欲訪朝真路絳節霓幢此地看

五月二十九日喜雨奉賀石末元帥

使君設醮天皇格道士陳章玉女開遂遣赤松來作雨
更教玄武下乘雷涼飈細拂花間入潤色新從草際回
豈但農夫堪一飽野人亦有酒盈盃

用前喜雨韻寄呈石末元帥時戍卒有不軌謀
蓄而未發公治之以意卒遂返正故發之以言
且并志祈雨有應也

將軍渡水流澌合太守彎弧巨石開但覺誠心通日月
不知生意在風雷思尊未許歸張翰結草終當獲杜回
可恠疎狂謫仙子兼旬浪飲六千杯

題畫山水

澹澹輕烟暮半林涓涓飛瀑瀉遙岑偶然坐石觀流水

不記還山路淺深

題紫虛觀用周伯溫韻

少微山直太微宮山下樓臺起半空丹井石床纏地絡
瓊牕翠戶出天風傳聞仙子常時到應是神霄有路通
會待九秋明月夜高吹鐵笛上青葱

題紫虛道士晚翠樓

晚翠樓子好溪南溪山四圍開蔚藍微陰草色盡平地
落日木杪生浮嵐巖畔竹柏密先暝池中芰荷香欲酣
聞說仙人徐泰定騎鶴馬到此每停驂

葉叔安南溪草堂即事

溪上草堂盈十尋踈楊密竹各成陰綠烟繞舍紫苔潤

白水當門稍遂深過雨忽翻金碧影良蜩亂發管弦音
此時不省愁何在坐到鴉棲月滿林

妙成觀用何逸林通判舊韻

我訪仙家溽暑前青楓綠柳暗晴川竹根露濕登山屐
沙際鷗迎渡水船雲氣長留虛白室丹光直上蔚藍天
純陽道士重來日為問蓬萊是那邊

廢雲山堂有感

堂在府治聽事後郡守退食之所

雲山堂畔垂楊柳曾見新堂結構成一吏傳言奔里役
幾家掩淚輟農耕花明粉黛春閑宴月照樓臺夜按箏
破瓦斷磚今滿地綠莎青草為誰生

題米氏小景二首

日上春風紫翠重
烟含汀樹淡還濃
夜來水漲溪橋斷
應是雷霆起蛰龍

春霧昏之雨散絲
溪流拍岸小橋危
猿啼鳥叫山鬼出
正是行人腸斷時

題安石蒲葵圖

東山導騎出巖阿
能使枯蒲貴綺羅
却恨卞和無祿位
中宵抱玉淚成河

題滄江獨釣圖

山繞滄江一釣船
又隨斜日下長川
小魚不食大魚去
風定遠林生白烟

題二喬圖

江上桃花紅粉腮
偶然吹入玉堂來
東風日暮和烟雨
多少飄零委綠苔

次韻和石末公七夕詩

天上傳聞會兩星
清秋夜色湛玄冥
蚌胎隱見銀蟾窟
鵲翼高低玉女駢
一水經年總解后
七襄終日豈神靈
勞生厭事惟思睡
獨卧無心覲帝青

再和倒用前韻

天官垂象煥空青
會合徒聞帝子靈
三武夜開千石簾
兩旗晨轡七香駢
房帷瓜果紛祠祀
霄漢雲霓恐晦冥
惆悵多憂江海客
登樓獨自看台星

病足戲呈石末公

旻天容我作支離病瘡總除足就羸跬步不妨猶似鷓
蹕行那得更憐愛抱珎獻楚何堪再斫樹收龐亦未遲
塞叟于今知匪禍周雞從此免為犧

遣悶呈石末公

公庭春樹秋重綠但見鳩鳩日日鳴不雨正當三伏熱
看雲無柰百憂生草間群盜俱糜爵天下何人尚力耕
漢法幾時還再復白頭猶得詠昇平

庭前萱草花落已久至秋復開感而作詩柬石

末公

露下蛩鳴寒氣催蕪葭葉響鴈歸來鬢毛已為憂生白
護草何須晚更開嫋嫋悲風吹落木炎炎赤日走黃埃

干戈未了仍飢饉人事天時總可哀

次韻和石末公閔雨詩

騰雲降雨指龍功况復山川祭秩隆豈意愆陽為沴氣
忽過炎夏到秋風祈年勞酒儀徒備登穀嘗新望已空
享祀未應無報侑可堪不殺待時豐

再用韻

旱魃為妖殄歲功田疇屯斫編汙隆無多過雨終鳴葉
不定行雲又逐風蔓草荒烟秋社迥黃沙白葦暮江空
愁來漫憶淳于祝却愧靈示享祀豐

次韻和石末公閔雨詩

風悲槁葉落玄圭水涸焦根斷埴泥擊竹漫誇方外術

夏銅虛聽澤中斯非閑東嶽封猶濕自是西郊氣不瘳
見說溪潭窟深處有人徒涉只平臍

旱天多雨意五首呈石末公

旱天多雨意雲日氣恒陰草木焦枯盡蛟龍伏匿深移
家愁地感經國恨年侵已矣商巖叟無人解作霖

旱天多雨意炎夏已清秋虛牝空蒸鬱高圓迥獨浮下
田應脯蚌深樹且鳴鳩向夕星河影稀疎恰近樓

旱天多雨意散漫起重陰漸變峰巒狀還摘錦繡文龍
應愁病暍烏亦念將焚碧落高無極人間叫不聞

旱天多雨意炎燎發洪爐事急徒號梗謀窮漫曝巫王
征愆節制民望失來蘇原籍看如赭衰今鹵掠無

旱天多雨意雲起旋隨風澤氣沉沙白山嵐過野紅乾
坤愁夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青
山黃葉遍白水紫烟生旦夕霞標起依稀對赤城

旱天多雨意霞起衆山光日月躔陽道雷霆伏大荒躍
淵無黑蜮在牧有夷羊萬室俱如燬何人尚閔廷

旱天多雨意一望百憂侵海沸羲和日山藏傳說霖南
河那可決北斗不能斟歎息還接首清商已滿林

旱天多雨意悽惻望鉤陳衰極何時達愁眉盡日顰乾
坤三島泥歲月兩淮塵莫問和調事嗚呼畎畝人

旱天多雨意陰電繞空湫暴客馮高壘良農死棄丘干
戈猶未息災沴復何尤軫望成衰疾那堪數倚樓

題石末元帥肩上有陳太初畫松

老松根幹如鐵石皴匠不知空谷深永夜高風吹萬竅
商聲滿地作龍吟

題渭橋圖

百載平城憤未銷武皇莽怒屬天驕可憐陵樹秋風後
貂帽駝裘拜渭橋

皆春亭

草色青青日色黃暖烟烘露百花香曉窓夢入桃園去
鶯鶯啼鴛在綠楊

移梅亭

貫石梢雲一樹梅誰教移向畫堂栽月涼夜色清如水
其那樓頭玉笛哀

題趙仲穆畫眉圖

有美清揚婉且閑橫雲吐月鬪彎環平生不識張京兆
却對粧臺寫遠山

含箒茹管細相和語困春風意更多驚起佳人應有恨
雙蛾感損不成歌

以黎餉石末公隋之以詩

山人見餉含消實青紫相排箇圓共道解煩同絳雪
也知止渴勝甘泉種後漢武樊川得名並張公大谷傳

珍重使君方閱雨急須走送滌熬煎

遣悶東石末公

紅楊落盡白楊枯坐石徒令歲月徂尚想藩臣知患盜
豈期驛使似投巫當時秔稻通遼海今日風濤隔具區
豺獺可堪專節鉞衣冠何以拔泥塗

次韻和石末公中秋不見月詩

一年明月中秋好萬里長空此夜陰雨暈青燈昏遠思
蟲鳴黃葉亂鄉心見愁盜賊氛猶惡莫恠乾坤氣尚淫
便欲捫蘿上天柱九霄風露恐難禁

次韻和林彥文在縉雲見寄

千年井邑化為墟滿眼荆榛塞路衢雞犬真成上天去

神仙不復好樓居風凋野樹無棲鳥水落池蓮有酒魚
欲訪軒轅問消息大微風雨隔清都

題小畫

夕陽山下水鱗鱗一葉輕舟釣白蘋漫道江湖堪浪跡
蒹花風雨更愁人

惆悵二首

紫微花樹小樓東白雲霞蒸似錦紅過了春風到秋露
可堪零落碧苔中

與君為別幾清秋鴻雁來時報上樓今日倚樓無處過
斷腸風水隔瀛洲

妙成觀道士劉雲心挽詩

少微星下葬神仙白玉樓中遺孽辨弟子焚香玄鶴逝
天官肅駕紫鸞翔金丹縹緲空山月銜笛悽涼遠對烟
溪上故人如見問碧桃花裏過年年

次韻和石末公聞海上使命之作因念西州愴
然有感二首

巫閭析木天空闊桐柏終南水亂流邑里蕭條無吠狗
田疇蕪穢少耕牛萋萋蔓草無人遠淡々殘陽向客留
蓬蒿飄零偏感舊樂迴喜快賜神州
大閭尋常棄鄭師後人休望及瓜期豺狼封豕咸登用
城郭丘民委若遺曾見羗夷皆內地忍聞淮濟是邊陲
經綸事業君當念說道任置髻已推

再用前韻

常聞星宿能環拱未見江河解逆流無肉可供徐勉狗
有芻空啖景升牛梧桐冷落鸞先逝若菽蒼茫鴈獨留
蘇息疲眠還有術那無一斗博涼州
弟子輿尸漫有師圯橋誰共老人期龍魚並出應難識
檣櫓無庸幸見遺每上樓臺瞻地極願聞波浪帖南陲
兵山越水元相接莫更中流下鐵椎

驛傳杭台消息石末公有詩見寄次韻奉和并
寓悲感二首

被讒去國終思楚厚貌深情漫劇秦未識靡萌真老賊
妄期侯景作忠臣池魚幕燕依樓淺軒鶴冠猴寵渥新

何處荃蘭不蕭艾種蔬猶得養閑身
喪亂如川未有涯悲風滿地是蟲沙
衰遲兩臂從生柳疾病雙眸但墮花
暗菴寒蟬秋色老丹楓紫菊夕陽斜
頗聞四國思邨伯尚想詩人賦木瓜

再次韻二首

南州昔日稱三楚西國今聞又一秦
有爵與縻亡命賊無才深媿具官臣
青冥鸞鳳風塵隔畫省貌貅服色新
懷望令人憶李郭誰能匡濟想前身
深秋蔓草接天涯極目飛鴻沒遠沙
綠水青山長送日汀蘭岸草各生花
風來西塞雲陰合濤落東溟蜃氣斜
歎息笙歌舊亭館壞垣叢棘老王瓜

次韻和石末公感興見寄

使君學術似文翁奕世流芳緝武功
赤芾青衿來燕喜黃童白叟望車攻
筆端波浪翻三峽旗尾龍蛇動八風
慚愧譎才多謬誤憂時獨有此心同

次韻和石末公無題之作

秋風嫋嫋作商音落葉枯茨日夜深
已為抵烏投白壁徒勞點鐵異黃金
軒轅未必迷襄野夸父終當死鄧林
咲撚東籬菊蕊花蕊天寒歲晚爾知心

次韻和石末公九日見寄

去年見鴈思鄉里今歲還鄉鴈不來
此地淒涼逢九日何時清切覩三台
莞茅夜冷蛩螢急黍黍秋空鳥雀哀

辟難無勞效桓景巢居隨處隱生鬼

陳太初充兵應點作

無僕無臺一老儒
數間茅屋近通衢
忽聞巷長呼排甲
急換戎裝出荷戈
就列敢辭長兩立
隨群獨作沒堦趨
西風鼓角秋宵永
明日青髯是白須

次韻和石末公開讀有感

百年萬國奉王正
相業臺綱屬老成
山海若時共職貢
郊原何處有戈兵
廟謨可使歸權倖
祖訓由來重變更
欲叫天闕無羽翼
拊心長嘆不勝情

秋夕有感東石末公

獨立西風聞莫蟬
起看時物愴流年
星臨野樹

露出庭莎的的圓
無柰素絲侵綠髮
却嫌黃菊似金錢
烟塵滿眼難回首
惆悵高堂坐細檀

題小畫

庭前綠荷葉香氣
濃於酒踈雨忽飛來
的皪明珠走

春晚

踈雨隨風過
輕寒薄暮歸
猶憐數花朵
辛苦駐春輝

遣興

於城三年客思家
一百旬如何今夜月
却憶鏡湖春

次韻和石末公自訟之作

綠駟驂駟不服驂
王良造父亦難堪
羨君名重中台上
勳業終光北斗南
路并凄風殘綠少
霜林落日亂紅酣

侯封職在同藩屏班爵無勞阿伯男

立冬日作

忽見桃花出小紅因驚十月起溫風歲功不得歸顛項
冬令何堪付祝融未有星辰能好雨轉添雲氣漫成虹
蝦蟇蛺蝶偏如意旦夕蜚鳴白露叢

丙申歲十月還鄉作

溪上寒山淡落暉溪邊風送客帆歸故家文物今何在
平世人民半已非華髮老翁啼進酒蓬頭稚子笑牽衣
自嗟薄質行衰朽未覩明廷賦采薇
風急霜飛天地寒草黃木落水泉乾千村亂後荒榛曠
孤客歸來投浹看野宿狐狸鳴戶外巢居烟火出雲端

黍苗處處思陰雨王粲詩成損肺肝

故園梅蕊依時發異縣歸人見却悲花自別來難獨立
人今老去復何之未能荷鉦除叢棘且可隨方着短籬
等待薰風暄暖後枝間看取實離離

手種庭前安石榴開花結子到深秋可憐枝葉後人折
尚有根株為客留枳枸悲風吹白日若華高影隔青丘
壞垣蟋蟀知離恨長夜淒涼弔獨愁

舍北草池寒已枯草中時復見菰蒲溢泉感涕無留鮒
弱藻蒙茸不繫鳧綠葉紅花空代謝春蛙秋蚓任喧呼
窺臨景憶琴高鯉騰駕風雷定有無

小舟衝雨清溪上兩密溪深宿霧昏游子到家無舊物

故人留客歎空尊
荒畦蔓草纏蒿草
落日青猿叫白猿
語罷不須還秉燭
耳聞目見總銷魂

五載辭家未卜歸
歸來如家若成絲
親知過眼還成別
事勢傷心不可思
且喜松楸仍舊日
莫嗟間井異前時
修文偃武君王意
鑄甲銷戈會有期

冬至日泊舟戈溪

日薄雲陰雪在山
野寒溪靜客舟還
乾坤斲蕩逾三載
風俗乖張似百蠻
廢井衰蕪霜後白
空村喬木曉餘殷
獨憐節序逢冬至
不得安棲學閉關

次韻和石末公紅樹詩

紅樹漫山駐歲華
玄冬驚見眼生花
井陘旗幟軍容盛

汴水帆樯御氣餘
春草淒迷金谷障
夕陽照灼赤城霞
靡茨舟木扶桑裏
惆悵誰乘博望槎

次韻和石末公元夜之作

表流雲澄夜色
九霄華月動春城
條風細細吹旗影
香藹微微引漏聲
河漢虹橋應斷絕
滄溟鼉足漫崢嶸
愁來更聽漁陽操
獨倚闌干坐到明

石末公再賦元夕見寄用韻酬之

東方月出魚龍窟
北極雲開虎豹閤
渤海青丘金作水
崑崙赤岸玉為山
風光豈減常時好
燈火嗟逢此夜慳
聽盡殘鐘成不寐
那堪飛羽入玄關

次韻和石末公見寄五絕

梗楠割截為椽杙歲暮搜材到柞薪悵望無因見夏后
再平水土叙彝倫

廟略能回十萬夫詩書卻毅近來無何由入奏明光殿
指點山河一統圖

春滿郊原樂意融野花庭草競纖穠惟餘陵上青青柏
不向東風改舊容

越溪清水淬千將鬼魅驚啼畏夜光不共鉛刀爭利鈍
何妨玉匣且深藏

漢殿千門錦繡開不堪一夜柏梁災魯般骨朽蕭何死
腸斷無人為取材

妙成觀北亭用何逸林韻

最愛雲山滿目前更憐亭榭俯清川草深林藹迷樵徑
花落巖霏點客裾若潤金芝新出地丹崖石穴舊通天
神仙應在樓頭上翠羽霓旌下日邊

送鮑生之山中

青青芳草夾長堤漠漠輕煙送馬蹄他日相思建溪上
棠梨花發鷓鴣啼

為王彥和賦槐堂

晉公庭上三槐樹千載流傳是德符今日耳孫思繼述
昔年手澤歎荒蕪當窓欲看屯雲葉夾徑先栽帶雨株
會見枝頭金粟蕊秋風吹送上天衢

社日偶成奉呈石末公

昔聞同社燕雞豚今見操戈競一殄松栢空壇飢鼠出
粉榆落日亂鴉喧地連兵會嗟何感民是周餘不半存
踈嬾渾愁聞世事治聲有酒漫盈尊

次韻和林彥文劉山驛作詩

青泥九折度危峰翠木千章集遠風欲為流離安堡障
寧辭辛苦涉蒿蓬梧桐葉落無棲鳳荆棘枝寒有怨鴻
旦夕升虛聊望遠何時重賦定方中

次韻和余嘉賓御史見寄

二紀相忘欲奮飛百年心事苦相違風塵跋澁容顏改
新虎維黃信使稀忽枉緘書如見面不勝悲喜却沾衣
有懷欲語無由寫驄馬天涯幾日歸

題美人書紅葉圖

紅葉隨波豈自由綵毫空復寫綢繆無人解識詩中意
天上塵間總是愁

題烟波泛舟圖

舊遊憶鼓湘湖櫂日淨風微江練平小舫曲穿花底出
遊魚相伴鏡中行別來漫想心徒切畫裏重看眼亦明
素石蒼松是何處願從巢父濯冠纓

題陳大初畫扇

一道滄江隔戰塵白蘋風起浪鱗鱗新亭滿眼神州淚
未識中流擊楫人

泛湖浮海兩如何滿地悲風起白波爭似乘槎隨博望

王繩光裏看山河
水淨沙明一葉船
釣絲牽月過長川
五湖何地宜生理
我欲送之間計然

題太公釣渭圖

璇室群酣夜
璜溪獨釣時
浮雲看富貴
流水澹須眉
偶應非龍兆
尊為帝者師
軒裳如固有
千載起人思

丁酉七月十四夜望月仍蝕且旣而司天報亦不至因感去年作此寄石末公

山城望月中
元夜天連循環四
亭周顧兔又從銀漢滅
磔墓空抱玉川
憂清臺視稷當箕
尾仙使乘槎隔斗牛
安得寄書憑去燕
為言桂樹不勝秋

次韻和石末公月蝕見寄

涼氣開秋桂未花
青天見月漫咨嗟
玉毫撲擲此中兔
金背熒煌何處墓
百鍊精銅總照膽
連城白璧底生瑕
誰能鼓劔披氛
侵莫遣東郊馬
歎沙

題畫菜戲呈石末公

列鼎羔羊厭膾肥
園官菜把莫嫌微
年來騎士工隳突
此物人間亦見稀

即事有感呈石末公

葵藿傾心嚮大明
參商瑣々只尋兵
蛾眉欲擅三千寵
魚翼難通九萬程
貝錦笙簧鳴鳥瑞
明珠琢玉泰山輕
兩階干羽聞來格
分北猶勞聖主情

次韻和石末公感懷之作

鳳去深林鷺在庭西風回首故山青
杞人岌岌憂將殞楚國茫茫醉不醒
自覺艱虞多錯午誰憐好數祝寧丁
金芝玉蕨甘如蜜歲晚吾後董五經

聞盜過界首李君山甫亦蒙訪及以詩唁之

妖星何故犯奎躔鶴上雲霄鯉入淵
寇退喜聞曾子反書焚尚賴伏生傳
壘酸併與青瓊去瓜苦空餘綠蔓牽
慚愧杜郊湯博士白鹽赤米數相隣

次韻和石末公中秋翫月

一年二六團圓月此夜光輝獨耐看
銀漢波濤三島接玉京風露九霄寒
方欣酷暑隨時去只恐清商促歲門

更上南樓瞻北極那無鴻雁報平安

次韻和十六夜月

纔圓又缺中天月猶自寒光媚老蟾
承露仙人珠落掌別風接觀雪生簷
玉階桂影駸駸薄金井苔花漸漸添
坐久城頭聞夜柝牢愁清興苦相兼

再次韻

永夜涼風吹碧落深秋白露洗明蟾
金波灑灑將流瓦玉燦燦燦恰近簷
貝闕寒生魚腦滅龍宮氣清蚌胎添
從軍不廢篇章事倚賴元侯智勇兼

次韻和劉宗保秋夜二首

眼見賓鴻去復回可堪雲漢

青鳥何由海上来
牆角
更索樹頭禽
赫栗穿房開

涼蟾照幙還清夜
漸
哭哀

蛩螢啼露作悲愁
鴉
無
秋莫訝繫匏長不食

亦知神劍解相求
翰
三千丈吏部回腸一萬周

借問何如青白眼
竟日為身謀

次韻和石末公九日無菊詩

籬菊無花冷夕陽
西風空送雁還鄉
已妨少昊頒時令

更阻淵明泛酒觴
生意情環深自識
年華逝水去誰傷

愁來最愛霜中葉
滿眼殷紅間淺黃

野行偶見紅樹帳
然有感呈石朱公

紅樹傷心夕照前
漫山映水為誰妍
樹當搖落人尤惜

人自憂愁樹不憐
九譯未通青鳥使
四郊猶漲綠林烟

野夫病足思休息
藉草樓櫓擬晏眠

次韻和石末公紅樹詩

岸柳江蒲總戚施
相林辛苦擢金支
虞人詫見炎官傘

候騎訛傳漢將旗
照水熒煌空銜貌
因風飄落竟從誰

應慙若木生場谷
長駐跋烏燭崦岵

次韻和石末公悲紅樹二首

乾坤何處非王土
稂莠誰令滿大田
未掃綠林千嶂裏

還看紅樹九秋前
吳宮露冷蟬何在
漢苑風悲鶴自憐

却羨魯陽功德盛
揮戈回日至今傳

霜與秋林作錦幃
一朝霜重却全稀
坐看絕豔成塵土

應寤浮華是禍機驚鵲月明難自定窮猿歲暮欲何歸
猶憐有客期歡賞太息斯須志願違

詔書到日喜雨呈石末公

將軍鐵馬高秋出使者樓船渤海來甘雨恰隨天詔下
陳雲應與地圖開枯黃背日紛紛落細綠迎春苒苒回
悵望山中多病客坐看烏鵲遶庭梅

感事呈石末公

前飛鶴鵠後駕鵝天闕風高柰汝何不羨焦頭居上客
空憐舐痔得車多深山虎豹來城市落日鼙鼙出薜蘿
薇蕨可羹魚可膾白雲長自在岩阿

贈西岩道元和尚

不到人間幾十年杖錫野猿迎路便
談經山鬼拜燈前塵飛劫火青春夢雪滿長松白日眠
近得淵明入蓮社興來時復有詩篇

題王伯衡縣尹素陰圖

漁陽太守之官後種得素陰比召棠麥隴風微雲委甸
茅簷日暖雪盈筐倉庚過去青枝動戴勝飛來紫椹香
千載先生同此意為君重賦兩岐章

次韻和石末公漫興見寄二首

王侯古有興屠狗郎吏今無事牧羊青海風波騰罔象
紫霄氣浸翳搖光江寒逝水東流急天遠冥鴻北去長
莫笑烏鵲惡毛羽翻飛齊得遶鵷行

濟世何人希管樂隱居無處覓求羊扶耒未換陽烏彩
芻草猶爭燭火光百載承平戎馬佚七年戰伐艾管長
長沙遷客能流涕一日須垂一萬行

次韻和石末公二絕

素裹衣金多嫂自迎燈中珠滿蚌能明文犀亦有通靈角
天上龍鰲盡可攫

徒聞彈鋏怨無魚未見蕪程貢蠟書四海城池總完壁

只今誰是藺相如

聞鳩鳴有感呈石末公

郊原過雨東作始枝上鶉鳩鳴可憐此地巢居猶葺壘
池鄉去子望歸田匡時勢與民思漢憂國心隨鴈到燕

逝水自流入自老倚楹長憶至元年

戲和石末公催太初畫山水之作

春蠶吐絲作成繭辛苦為人身上衣畫史等閑揮彩筆

女工顛顛空機高出暮雨朝雲夢寐歸

可惟唐朝杜陵老瘦妻短褐有光輝

和石末公冬暖

世亂干戈日夜尋可堪炎冷又相侵烟霞出地皆成稊

雷電飛時肯作霖祝鳩漫勞遵故事問牛誰復軫憂心

小蟲未寤年光晚猶抱枯艾學苦吟

雨中呈石末公

去年三冬暖不雨今年孟春寒有餘大雲垂垂壓宇宙

密雪袞袞飄庭除
安排白水與泛舸
醞釀青泥容沒車
辛苦陌頭揚柳樹
含顰等待太陽舒

和石末公見示育字韻

長想天涯皆內地
忍看闕外即他鄉
扶生可惜鑿無緩
救死寧堪鬼在盲
郡縣誅求應到骨
乾坤戰伐徧成瘡
遼東華表雲間鶴
相見相思總斷腸

次李子庚韻

風落餘花春事非
愁心烟雨共霏霏
溪雲不作從龍起
山石何須學燕飛
籬下書存彭澤菊
林間新長首陽薇
夜闌忽漫聞

早春遣悶

使稀

正月餘寒未放春
漫空飛雪舞隨人
新年對客情何限
濁酒於予意獨親
澗底流泉渾似玉
門前細草總成茵
鶴歸自愛山能靜
豹隱方知霧有神

雨中遣悶

雨漬愁雲重不飛
山蒸冷霧鬢人衣
亦知屏翳空多事
只恐羲和失所歸
歲晏波濤東逝急
天寒鴻鴈北來稀
殘燈永夜清無燭
坐聽飢猿響翠微

聞猿有感

猿響秋山夜向闌
白雲如雪擁林端
鍾儀楚奏難成調
蔡琰胡笳欲罷彈
澤畔離騷餘怨恨
巴東涕淚想沈瀾
唯應華表歸來鶴
明月清風共歲寒

漫成二首

沉水香銷金博山月滿樓臺深夜寒
瑤琴弦絕不可彈
棄落烏啼尋夢難

江水如天月如水落葉蕭蕭夜風起
一寸愁心千萬里
不見行人應未已

詠史

六雄麤沸擾天綱天下嗷嗷望禹湯
多事秦皇能一統
却教人憶楚懷王

天與聰明作大君應天在實豈虛文重
瞳若解行仁義
不枉茫茫五色雲

秋江獨釣圖

秋風江上垂綸客知是嚴陵是太公
細水浮嵐天與碧
斜陽炙面臉生紅形容想像丹青在
歲月荒涼草澤空
日暮忽然聞欸乃蓼花楓葉忘西東

題墨竹

蒼梧山下無窮竹盡是湘妃淚種成
煙雨不銷千古恨
佩環虛度九秋聲見愁牧豎乘時代
可待伶倫學鳳鳴
獨立淒涼對圖畫為君惆悵一沾纓

絕句漫興七首

一歲三春好景光紛紛紅紫競芳芳
芙蓉亦有傾城色
不見東風却拒霜

風散螢光夜未分隔窓涼雨落紛紛
秋衾不與還鄉夢

征鴈南來獨自聞

碧瓦涼生月欲流
露蛩楓葉共啼秋
城烏半夜驚鳥飛起
雁為離人白盡頭

多事池邊促織兒
聲聲哀怨旅魂知
干戈滿地無機杼
長夜辛勤說與誰

伐木丁丁谷響傳
槿楠樛共成烟
扶桑不是人間樹
因見滄溟變稻田

愁極每將歌當哭
歸來不覺咲成狂
蓬山縹緲鯨鯢外
一夕相思九斷腸

永夜西風嫋嫋來
露華如玉黍蒼苔
碧雞啼落山頭月
腸斷槐根夢不回

送醫士賈思誠還浙東二首

西風嫋嫋水鱗鱗
一曲離歌淚滿巾
殘柳素林鷗鷺亂
夕陽江上送歸人

落木長亭獨客回
寒驢聊可當駑駘
還山須種千株杏
等待仙華道士來

誠意伯劉先生文集覆詒集卷之九終